

其二

學道須憑一志無志難逃生死對境志如山自然安  
萬法不離清淨性定方能得命會得這玄空道必通

霜天曉角

浮生碌碌盡飄流世慾空恁苦爭活計被情愛海沒  
夢中競利祿謾傳機狡縱有百般榮貴誰念光陰迅速

其二

世事促促莫勞心役役棄塵早歸林下蓋箇低低茅屋  
映窗疎竹洒洒風生玉萬疊青山爲友那管桑田翻覆

促拍滿路花

道藏輯要

鳴鶴餘音

巽

莆集八  
川廿三

西風吹渭水落葉滿長安忙忙塵世裏獨自清閑自然爐鼎虎  
繞與龍蟠九轉丹砂就一粒刀圭餌爲陸地神仙便萬釘寶  
帶貂蟬富貴欲薰天黃糧猶未熟夢驚殘是非海裏真道立身  
難拂袖江南去白蘋紅蓼再游滄浦廬山

驀山溪

不如歸去作箇清閑漢著甚來由惹別人三長兩短天公許大  
何處不容身且謾着有生涯試待尋思看鑑湖裏面淺山林  
畔住箇小庵兒且隨分粗衣淡飯嘲風詠月蕭散過平生塵世  
事儘如麻我也誰能管

浪淘沙